

DIE SKIPPERTJIE

Nuusbrief van Laerskool Park, Mosselbaai

8/2025

7 Maart 2025



IN HIERDIE UITGAWE

UIT DIE KAJUIT

BELANGRIKE INLIGTING EN
UITSLAE

1. Toetsreek en assessering
2. Opedag vir gr. RR, R en 1
3. Pretstap
4. Buitemuurs
5. D6 Connect-toepassing
6. Atletiek
7. Krieket
8. Musiek
9. Skoonste klasse
10. Personeelverjaardae
11. Skooltye
12. Skoolfonds

*"It is not what you do
for your children, but
what you have taught
them to do themselves
that will make them
successful human
beings."* Ann Landers

Afrikaanse idioom van die week

**'n Bitter pil om te sluk: 'n
Moeilike ding om te verwerk.**

2025 SKOOLKWARTALE

- 1ste:** 15 Januarie – 28 Maart
2de: 8 April – 27 Junie
3de: 22 Julie – 3 Oktober
4de: 13 Oktober – 10 Desember

UIT DIE KAJUIT

Verantwoordelikheid (2). Ons is steeds besig met ons waarde van verantwoordelikheid. Hierdie week spreek ons twee aspekte aan, nl. dat ons nie ons kinders moet 'jammer' kry en wil 'red' nie! Eerstens moet ons ons kinders leer hoe om verantwoordelik op te tree. Ons kan dit doen deur vir hulle takies by die huis te gee waarvoor hulle verantwoordelik is, soos om hul kamer aan die kant te hou, hul eie bed op te maak, vir troeteldiere kos te gee, te help met ander take in en om die huis, ens. Dit is natuurlik belangrik dat ons hulle moet hou by hulle verantwoordelikhede deur hulle nie te veel 'jammer' te kry nie. Ek wil nie hierdeur sê dat mens militaristies of ongenaakbaar moet wees nie, maar ons as ouers moet nie alles vir ons kinders wil doen nie, want dan gaan hulle nooit leer dat hulle elke dag moet doen wat hulle móét doen nie. In die tweede plek moet ons ons kinders leer om verantwoordelikheid vir hul dade en optrede te neem. Baie keer wil ons ons kinders 'red' omdat ons hulle jammer kry. Dit help hulle nie omdat hulle nooit leer dat hul aksies en dade gevolge het nie. As hulle byvoorbeeld nie hul verantwoordelikheid nagekom het om huiswerk te doen nie, moet hulle die gevolge dra om byvoorbeeld raas of straf daarvoor te kry. Om ons kinders te wil red en verskoning namens hulle te wil maak of kwaad te wees vir iemand anders, gaan hulle nie leer om verantwoordelikheid te neem nie – eerder dat hulle dink hulle kan met alles wegkom. Weereens is daar altyd uitsonderings en dit moet so hanteer word. Natuurlik is dit baie belangrik dat ons as ouers die voorbeeld is van verantwoordelike optrede sodat hulle die regte manier kan sien en volg. Seën vir almal!

Dr. André Smith

BELANGRIKE INLIGTING EN UITSLAE

1. Toetsreeks en assesserings

Die toetsreeks vir graad 4-7 leerders begin vandag en eindig op Dinsdag 18 Maart. Die toetsrooster is reeds uitgestuur. Ouers word versoek om seker te maak dat leerders goed voorbereid is vir elke dag se vraestel. Dit is baie belangrik dat alle leerders elke dag skool sal bywoon. Leerders in graad 1-3 is ook besig met kwartaalassesserings. Enige afwesigheid tydens die toetsreeks moet met 'n doktersbrief gepaard gaan. Baie sterkte met die leerdery!

2. Opedag vir graad RR, R en 1 van 2026 – 8 Maart

Ons Opedag vind môre **Saterdag, 8 Maart 2025 vanaf 09:00 – 11:00** plaas. Alle voornemende graad RR, R en 1 ouers en leerders van 2026 word uitgenooi. Aansoeke vir 2026 open op 11 Maart op die WKOD-stelsel (*sien die inligting onderaan*).

3. Pretstap – 15 Maart

Die OOV is hard aan die werk en organiseer vir ons jaarlikse Pretstap. Dit vind op Saterdag, 15 Maart plaas. Kyk uit vir die inligting van al die aktiwiteite wat daardie dag beplan word. Ons sien uit om u almal by die Pretstap te sien.

Kontak ons:

Kaapweg 49 Mosselbaai

Posbus 96, Mosselbaai, 6500

Tel: 044 691 1020/1

Epos: navrae@lspark.co.za

www.parklaerskool.co.za

VOLGENDE WEEK SE PROGRAM

Ma, 10 Mrt: Toetsreeks: Engels

Di, 11 Mrt: Toetsreeks: Afrikaans

Aansoeke vir 2026 open

Wo, 12 Mrt: Toetsreeks: Wiskunde

Do, 13 Mrt: Toetsreeks: Geskiedenis

Vr, 14 Mrt: Toetsreeks: Natuurwetenskap

Beloningsdag

Sa, 15 Mrt: Pretstap



BANKBESONDERHEDE

Naam: Laerskool Park

Skoolfonds

Bank: First National Bank (FNB)

Rekeningnommer: 62035 761 081

Takkode: 210-314

Verwysing: Kind se naam, van en graad of toelatingsnommer

4. Buitemuurs

Die somersport is nou verby. 'n Nuwe buitemuurse rooster word vandag uitgestuur. Raadpleeg die rooster sodat u weet wanneer u kind oefen. Moedig ook asb. u kind aan om aan ten minste een wintersport (rugby, netbal, hokkie) deel te neem. Dit dra baie by tot leerders se fisiese en sosiale ontwikkeling.

5. D6 Connect-toepassing

Om kommunikasie by die skool te verbeter is ons besig om oor te skakel na die D6 Connect-kommunikasiesetel. **Ons wil graag aan die begin van die 2de kwartaal die stelsel ten volle benut.** Laai asb. die toepassing (App) vanaf u foon of rekenaar se Play store af en kies Laerskool Park as u skool van keuse. Maak asb. seker dat u die korrekte skool kies. **(Sien die advertensie met die skakel (link) onderaan)**

6. Atletiek

Baie sterkte aan al ons atlete wat hierdie naweek aan die Wes-Kaap Atletiekkampioenskappe te Paarl gaan deelneem. Ons staan 100% agter julle!

7. Krieket

Uitslae van die krieketwedstryde was as volg:

- o/13A, o/11A en o/9A wen teen Erika
- o/13B verloor en o/11B wen teen Hartenbos



8. Musiek

Baie geluk aan die leerders wat hul Unisa musiekteorie-eksamens geslaag het:

- Milan Kotze: Graad 1 met onderskeiding
- Lené van Heerden: Graad 1 met meriete
- JD du Toit: Pre-graad 1 met onderskeiding
- Leah Bosman: Graad 3

100% Parkies

9. Skoonste klasse

Baie geluk aan die volgende klasse wat hierdie week se kompetisie gewen het:

- 1ste – 7V
- 2de – 5O
- 3de – 6K



10. Personeelverjaardae

Baie geluk aan die volgende personeel wat verjaar:

- 8 Maart: Mnr. PJ van der Merwe
- 12 Maart: Me. Desiré Janse van Vuuren

Mag u 'n geseënde jaar beleef.



11. Skooltye

Skooltye is as volg:

- Graad RR en R: 07:30 – 12:15
- Graad 1: 07:30 – 13:00
- Graad 2, 3 en HBK: 07:30 – 13:30 (Vrydae – 13:00)
- Graad 4 – 7: 07:30 – 14:00 (Vrydae – 13:15)



12. Skoolfonds

Ouers moet asb. seker maak dat skoolfonds op datum betaal word (maandeliks of kwartaalliks). Baie dankie aan al ons ouers wat getrou skoolfonds betaal. Skoolfonds vir 2025 is as volg vasgestel:

- Graad 1 – 7: R13 200
- Graad R en RR: R13 500



Adverteer in Die Skippertjie

R100 per plasing per week. Advertensies word in A4-grootte onderaan die nuusbriëf geplaas. Kontak vir Anneke Harmse om die betaling te reël. Advertensies kan aan juf. Karen by 060 7212 192 gestuur word. Advertensies moet in JPEG-formaat gestuur word.

IS JY AL GEREGISTREER?

Ons herinner u daaraan om voor die einde van die eerste kwartaal op die d6-CONNECT toepassing te registreer.

Vanaf die tweede kwartaal sal alle skoolkommunikasie slegs op d6 plaasvind.

Laai die d6-CONNECT toep af en registreer so gou as moontlik om op hoogte te bly van belangrike nuus.



Vrae wat dikwels gevra word



- Hoe doen ek aansoek om toelating tot 'n openbare skool vir my kind?**

 - Skole bepaal plasings deur hul eie toelatingsbeleid uit te oefen en toe te pas, wat in ooreenstemming met die Suid-Afrikaanse Skolewet, 1996, (Wet 84 van 1996) behoort te wees. Die Wes-Kaapse Onderwysdepartement (WKOD) kan nie plasings by skole van ouers se voorkeur waarborg nie.
 - Doen vroegetydig aansoek. Moenie tot op die laaste dag wag nie.
 - Ouers/voogde/versorgers moet by ten minste drie skole aansoek doen, insluitend die skool naaste aan hul woning.
- Wat is die toelatingsouderdom vir graad R en graad 1?**

 - Verpligte skoolgaande ouderdom vir toelating tot graad 1: 'n Kind moet in die graad 1-jaar sewe jaar oud word.
 - Toelatingsouderdom vir graad R: 'n Kind moet in die graad R-jaar ses jaar oud word.
- Watter dokumente word benodig om aansoek te doen om die toelating van 'n kind by 'n openbare skool?**

Gewaarmerkte afskrifte van die volgende dokumentasie word vereis:



Vorm van identifikasie. Enige van die volgende sal aanvaar word

- Identiteitsdokument/geboortesertifikaat (leerder).
- Buitelandse leiders: 'n paspoort/ouers/voogde/versorgers se vlugteling- of asielsoekersvisum waarop die leerder se naam moet verskyn.
- Indien 'n leerder van buitelandse ouers/voogde/versorgers in Suid-Afrika gebore is: 'n handgeskrewe geboortesertifikaat (DHA 19-vorm).
- Indien 'n leerder nie in Suid-Afrika gebore is nie: paspoort/vlugteling- of asielsoekersvisum wat in die leerder se naam afgerek is.



Immuniseringskaart (Road to Health Chart) van die leerder (slegs op primêre skole van toepassing).



Laaste amptelike skoolrapport/akademiese rekord met uitslae van die leerder.



Bewys van verblyf (dionsterenking/huurooreenkoms/beëdigde verklaring wat by 'n polisie-stasie afgelê word wat verblyf bevestig).

Indien stawende dokumente NIE BESKIKBAAR IS NIE/ONTBREEK: 'n **beëdigde verklaring** van die Suid-Afrikaanse Polisie diens **moet by die aansoek ingesluit wees.**

- Kan 'n kind toelating gewaier word as hulle nie in 'n skool se voederarea woon nie?**
Die WKOD het geen voedersones toegeken nie.
- Kan skole "registrasiegeld" hef voordat 'n leerder aanvaar word?**
Nee. Skole mag geen goeie hef voordat 'n leerder aanvaar is nie.
- Hoe doen ouers/voogde/versorgers aansoek om toelating?**
Ouers doen aanlyn aansoek via die volgende skakel: westerncape.gov.za/education.



Neem asseblief kennis dat ALLE navrae oor jou kind se aansoek via die WKOD se aanlyn toelatingstelsel gedoen moet word.

Don't Wait!

11 March to 15 April 2025

Apply for Grade R, 1 & 8

Get ready for the 2026 school year.

Apply for admission before the deadline!

Apply online at westerncape.gov.za/education

Transfers Grade 2-7 & Grade 9-12: 4 - 18 August 2025

Verantwoordelikheid begin by jou!



Karakter is om die regte ding te doen,
selfs as niemand kyk nie. ~ J.C. Watts



“ Wat ook al jy besluit om
te doen, wees seker jy is
trots daarop.
~Walt Disney ~ ”

VERANTWOORDELIKHEID



WEES WAARDE WENNERS